



Broj: 05/1-50-13-29-11-3/15  
Sarajevo, 16. 9. 2015.

## ZAPISNIK

### 11. sjednice Nezavisnog odbora Parlamentarne skupštine BiH

Sjednica je održana 16.9.2015., s početkom u 12 sati.

Sjednicu je sazvao Žiko Krunić, predsjednik Nezavisnog odbora.

**PRISUTNI ČLANOVI NEZAVISNOG ODBORA:** Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić - Jusufbašić, Adisa Begić, Nikola Džambas, Mate Miletić, Ljubomir Kuravica, Miroslav Škorić, članovi Nezavisnog odbora.

**OSTALI PRISUTNI:** Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Žuža iz Sektora za odnose s javnošću Sekretarijata Parlamentarne skupštine BiH, Senad Zlatar, predstavnik OHR-a, te Dragana Gluhović, predstavnica Delegacije Evropske unije u BiH.

Predsjednik Nezavisnog odbora Žiko Krunić konstatirao je da postoji kvorum za rad i otvorio 11. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

## DNEVNI RED

1. Usvajanje Zapisnika 10. sjednice Nezavisnog odbora;
2. Razmatranje pristiglih prijava na Javni konkurs za provođenje procedure odabira kandidata za izbor direktora Državne agencije za istrage i zaštitu BiH;

3. Tekuća pitanja.

- a) Zaključak Predstavničkog doma Parlamentarne skupštine BiH broj: 01-50-1-15-15/15, od 22.7.2015.

**Ad.1. Usvajanje Zapisnika 10. sjednice Nezavisnog odbora**

U sklopu ove tačke dnevnog reda za riječ se javio prvi zamjenik predsjednika Enes Obralića koji je iskazao potrebu da se u okviru tačke 3. Zapisnika 10. sjednice Nezavisnog odbora navede da će Nezavisni odbor u narednom periodu nastaviti razmatrati ovo pitanje.

Nakon usvojenih dopuna pod tačkom 3., Zapisnik 10. sjednice Nezavisnog odbora jednoglasno je usvojen.

**Ad.2. Razmatranje prijava pristiglih na Javni konkurs za provođenje procedure odabira kandidata za izbor direktora Državne agencije za istrage i zaštitu BiH**

U vezi s ovom tačkom dnevnog reda, predsjednik i članovi Nezavisnog odbora utvrdili su metodologiju otvaranja i pregledanja pristiglih koverata.

Na Javni konkurs za izbor direktora Državne agencije za istrage i zaštitu blagovremeno je pristiglo devet prijava.

Nakon uvida u pristigle prijave, članovi Nezavisnog odbora konstatirali su da su se na Javni konkurs prijavili sljedeći kandidati: Elvis Zornić, Perica Stanić, Zoran Glušac, Slobodan Nikić, Tomislav Mirosavić, Relja Kovač, Ranko Vuković, Davor Vidović i Dragan Mumović.

Nakon uvida u dostavljenu dokumentaciju traženu Javnim konkursom, konstatirano je da urednu dokumentaciju ima sedam kandidata: Perica Stanić, Zoran Glušac, Slobodan Nikić, Tomislav Mirosavić, Relja Kovač, Davor Vidović i Dragan Mumović te da će oni, nakon što Nezavisni odbor po službenoj dužnosti dopisom zatraži od nadležnih ministarstava unutrašnjih poslova dokaz o neosuđivanju, biti pozvani na intervju.

Prilikom uvida u dokumentaciju **Elvisa Zornića**, konstatirano je da nije dostavio sljedeće: radnu biografiju sa izjavom o nacionalnom opredjeljenju, adresu i telefon za kontakt, uvjerenje o državljanstvu Bosne i Hercegovine ne starije od šest mjeseci, ovjerenu izjavu da nije obuhvaćen odredbom člana IX. stav 1. Ustava BiH, uvjerenje o radnom iskustvu u VSS, dokaz da ima čin glavnog inspektora policije ili viši čin u trajanju od najmanje tri godine, kako je to traženo tekstom konkursa, te da ne ispunjava uslove iz Javnog konkursa za

provođenje procedure odabira kandidata za izbor direktora Državne agencije za istrage i zaštitu i da neće biti pozvan na intervju.

Prilikom uvida u dokumentaciju **Ranka Vukovića** konstatirano je da je kandidat dostavio ovjerenu kopiju fakultetske diplome koja je stečena u Republici Srbiji 1994. godine, ali da nije dostavio dokaz o njenoj nostrifikaciji kako je to traženo konkursom. Naime, u tekstu konkursa propisano je da su kandidati dužni da uz prijavu, uz ostale dokumente, dostave i ovjerenu kopiju fakultetske diplome (nostrificirane diplome ako fakultet nije završen u BiH ili je diploma stečena u nekoj drugoj državi nakon 6.4.1992.).

O ovom pitanju članovi Nezavisnog odbora imali su različita mišljenja pa se za riječ javio Ljubomir Kuravica koji je istakao da se dokumentacija mora prihvatiti jer se, na osnovu Sporazuma o specijalnim i paralelnim vezama koji je omogućen Ustavom BiH između Republike Srbije i Republike Srpske, uzajamno priznaju diplome stečene u Srbiji. U tom Sporazumu navedeno je da se diploma stečena u Republici Srbiji priznaje kao da je stečena u Republici Srpskoj te da je taj sporazum definiran u Ustavu BiH. Također, rekao je da je gosp. Vuković dostavio zahtjev koji je podnio za strano stručno priznavanje visokoškolske kvalifikacije još u junu te da je postupak u toku, a da je nadležni organ, u ovom slučaju Univerzitet u Sarajevu, bio dužan izvršiti nostrifikaciju u roku od 30 dana u skladu sa Zakonom o visokom obrazovanju Kantona Sarajevo, te da se o ovom pitanju Sud BiH opredijelio i donio presudu kojom se diplome priznaju, tj. da ta presuda predstavlja RESJUDICATA (presuđenu stvar).

U nastavku rasprave o ovom pitanju učestvovala je većina članova Nezavisnog odbora konstatirajući da danas na dan otvaranja koverata gosp. Vuković nema nostrificiranu diplomu kako je to propisano tekstom Javnog konkursa te da država Bosna i Hercegovina ne priznaje diplome za pozicije na nivou BiH ako diploma iz druge države nije nostrificirana. S obzirom na podijeljena mišljenja i osjetljivost pitanja, predsjednik Nezavisnog odbora Žiko Krunić tražio je da članovi Odbora glasaju o tome da li gosp. Vuković ima potpunu dokumentaciju. Sa sedam glasova "za", jednim "protiv" i jednim "suzdržanim", odlučeno je da se dokumentacija Ranka Vukovića odbija kao nepotpuna.

### **A.d.3. Tekuća pitanja**

- a) Zaključak Predstavničkog doma Parlamentarne skupštine BiH broj: 01-50-1-15-15/15, od 22.7.2015.**

U okviru ove podtačke dnevnog reda članovi Nezavisnog odbora upoznali su se sa Zaključkom Predstvaničkog doma i primili ga k znanju.

U raspravi o tekućim pitanjima ponovo je pokrenuto pitanje vezano za događaje u Potočarima od 11.7.2015. i za napad na premijera Republike Srbije Aleksandra Vučića te je dogovoreno da će se o ovome razgovarati na sljedećim sjednicama.

Predsjednik Nezavisnog odbora Žiko Krunić zaključio je sjednicu u 15.30 sati.

**SEKRETAR**  
**NEZAVISNOG ODBORA**  
Ivana Lovrić

**PREDSJEDNIK**  
**NEZAVISNOG ODBORA**  
Žiko Krunić